

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Radna komisija za ustavna i pravna pitanja
Broj: 01/1 -106/99
Sarajevo, 15.07. 1999. god.

Z A P I S N I K

4. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 15.07. 1999. godine

Sjednica je počela s radom u 10,20 sati.

Sjednici su prisustvovali svi članovi Komisije: Mirko Banjac, Bogić Bogičević, Milenka Bošnjak, Miodrag Deretić, Ana Havel, Alma Čolo, Jadranko Prlić, Sejfudin Tokić i Rasim Kadić.

Pored članova Komisije, sjednici su prisustvovali: Branka Todorović, Jadranko Tomić i Aljoša Čampara, ispred privremenog Sekretarijata Parlamentarne skupštine BiH, Archie Tuta, ispred Ureda Visokog predstavnika i Darko Marjanović, Zijad Čišić i Josip Milas, predstavnici Direkcije za civilnu avijaciju.

Za sjednicu je predložen i usvojen sljedeći

D N E V N I R E D:

1. Usvajanje zapisnika 1., 2. i 3. sjednice Komisije;
2. Davanje saglasnosti za ratifikaciju:
 - a) Sporazuma o razvojnom kreditu za projekat osnovne zdravstvene zaštite između Bosne i Hercegovine i Međunarodne asocijacije za razvoj;
 - b) Sporazuma o razvojnom kreditu za pilot projekat lokalnog razvoja između Bosne i Hercegovine i Međunarodne asocijacije za razvoj;
 - c) Sporazum o razvojnom kreditu za strukturalno prilagođavanje u procesu privatizacije banaka i preduzeća;
 - d) Sporazum o razvojnom kreditu za strukturalno prilagođavanje (podrška proračunu);
 - e) Sporazum o razvojnom kreditu za podršku izvoza;
 - f) Sporazum o razvojnom kreditu za pilot projekat - kulturno naslijeđe;
 - g) Sporazum između Švicarskog federalnog vijeća i Vijeća ministara BiH koji se odnosi na redovni vazdušni saobraćaj
3. Razmatranje Zakona o vazduhoplovstvu;
4. Zaključci o djelokrugu radnih komisija, rokovima i prisustvu predstavnika predlagača;
5. Radna verzija Poslovnika Predstavničkog doma Parlamentarne skupštine Bosne i Hercegovine:
 - a) Rasprava;
 - b) Dogovor o daljnjem radu;
6. Dogovor o načinu rada na objavljivanju u "Službenom glasniku BiH":
 - a) Ustava Bosne i Hercegovine (Aneks IV Općeg okvirnog sporazuma za mir u

- BiH);
 - b) Sporazuma o ljudskim pravima (Aneks VI Općeg okvirnog sporazuma za mir u BiH);
 - c) Sporazuma o izbjeglicama i raseljenim osobama (Aneks VII Općeg okvirnog sporazuma za mir u BiH);
 - d) Dodatnih sporazuma o ljudskim pravima koji će se primjenjivati u Bosni i Hercegovini (Aneks I Ustava Bosne i Hercegovine);
7. Izbor članova Komisije iz reda stručnjaka;
8. Odgovor Komisije za ustavna i pravna pitanja Ustavnom sudu BiH povodom zahtjeva Mr. Mirka Banjca;
9. Razmatranje Zakona o državnim praznicima (poslanik Sejfudin Tokić).

AD 1:

Zapisnici 1., 2. i 3. sjednice Komisije usvojeni su bez primjedbi.

AD 2:

Radna komisija o ustavnim i pravnim pitanjima je, u skladu sa članom 5.3. Privremenog poslovnika Predstavničkog doma Parlamentarne skupštine Bosne i Hercegovine, utvrdila sljedeći Izvještaj Predstavničkom domu o davanju saglasnosti za ratifikaciju:

- a) Sporazuma o razvojnom kreditu za projekat osnovne zdravstvene zaštite između Bosne i Hercegovine i Međunarodne asocijacije za razvoj;
- b) Sporazuma o razvojnom kreditu za pilot projekat lokalnog razvoja između Bosne i Hercegovine i Međunarodne asocijacije za razvoj;
- c) Sporazum o razvojnom kreditu za strukturalno prilagođavanje u procesu privatizacije banaka i preduzeća;
- d) Sporazum o razvojnom kreditu za strukturalno prilagođavanje (podrška proračunu);
- e) Sporazum o razvojnom kreditu za podršku izvoza;
- f) Sporazum o razvojnom kreditu za pilot projekat - kulturno naslijeđe;
- g) Sporazum između Švicarskog federalnog vijeća i Vijeća ministara BiH koji se odnosi na redovni vazdušni saobraćaj.

Sporazumi od tačke a) do f) dostavljeni su od Predsjedništva Bosne i Hercegovine, a sporazum pod tačkom g) dostavljen je od strane Vijeća ministara Bosne i Hercegovine.

Komisija je raspravljala i ocjenjuje da postoji ustavni osnov za ratifikovanje ovih Sporazuma shodno članu V. 3.d) Ustava Bosne i Hercegovine.

AD 3:

Nacrt zakona o vazduhoplovstvu Bosne i Hercegovine dostavljen je od strane Vijeća ministara BiH.

Komisija je razmotrila Nacrt zakona o vazduhoplovstvu BiH, te je nakon rasprave zaključila da postoji ustavni osnov za donošenje ovog zakona, sadržan u članu III 1. j) Ustava Bosne i Hercegovine.

Komisija je predložila Predstavničkom domu da se član 64.2. Nacrta zakona mijenja i glasi:

“Ovaj zakon stupa na snagu osam dana po objavljivanju u “Službenom glasniku Bosne i Hercegovine”, što je u skladu sa članom 8.3. Privremenog poslovnika Predstavničkog doma Parlamentarne skupštine Bosne i Hercegovine.

AD 4:

Prijedlog Zaključaka o djelokrugu radnih komisija, rokovima i prisustvu predstavnika predlagača dostavljen je od strane Kolegija Predstavničkog doma.

Komisija je razmotrila Zaključke i zauzela stav da se mogu podržati predloženi zaključci, s tim da se predlaže u formi izmjena i dopuna Privremenog poslovnika. Na ovaj način komisija utvrđuje Prijedlog za izmjene i dopune Privremenog poslovnika kako slijedi:

U članu 5. tačke 1. Privremenog poslovnika Predstavničkog doma parlamentarne skupštine Bosne i Hercegovine iza naziva svake Komisije dodaje se djelokrug rada radnih komisija iz Prijedloga Zaključaka tačke I. pod A); B), C), D), E), F) i G).

U članu 6. iza tačke 2. Privremenog poslovnika dodaje se tekst Zaključaka - tačka II.

U članu 6. iza tačke 3. Privremenog poslovnika dodaje se tekst Zaključaka - tačka III.

U članu 8. iza tačke 2. Privremenog poslovnika dodaje se tekst Zaključaka - tačka IV.

AD 5:

Komisija je razmotrila radnu verziju Poslovnika Predstavničkog doma Parlamentarne skupštine Bosne i Hercegovine i zaključila da preporuči Kolegiju Predstavničkog doma da tekst Poslovnika uputi svim parlamentarnim strankama u svrhu provođenja rasprave, i da raspravu sumira, utvrdi tekst Nacrta Poslovnika i uputi ga Predstavničkom domu na razmatranje.

AD 6:

Komisija je razmotrila dogovor o načinu rada na objavljivanju u "Službenom glasniku BiH":

- e) Ustava Bosne i Hercegovine (Aneks IV Općeg okvirnog sporazuma za mir u BiH);
- f) Sporazuma o ljudskim pravima (Aneks VI Općeg okvirnog sporazuma za mir u BiH);
- g) Sporazuma o izbjeglicama i raseljenim osobama (Aneks VII Općeg okvirnog sporazuma za mir u BiH);
- h) Dodatnih sporazuma o ljudskim pravima koji će se primjenjivati u Bosni i Hercegovini (Aneks I Ustava Bosne i Hercegovine).

i donijela Zaključak da cijeni da je neophodno da se dođe do usaglašenih tekstova navedenih dokumenata, te da predloži Kolegiju Predstavničkog doma da pokrene aktivnosti za realizaciju naznačenih zadataka.

AD 7:

Komisija nije izvršila izbor članova Komisije iz reda stručnjaka, jer smatra da stručnjake treba angažirati u skladu sa finansijskim mogućnostima.

AD 8:

U pogledu odgovora Komisije za ustavna i pravna pitanja Ustavnom sudu BiH povodom zahtjeva Mr. Mirka Banjca, Komisija je konstatirala da je Zahtjev podnešen od ovlaštenog predlagača, u skladu sa Ustavom BiH i da Komisija stoji na raspolaganju Ustavnom sudu radi donošenja Odluke.

AD 9:

Zaključeno je da se Zakon o državnim praznicima, koji je predložio poslanik Sejfudin Tokić, uputi Vijeću ministara BiH radi davanja mišljenja.

Sjednica je završena u 15,00 sati.

PREDSJEDAVAJUĆI
Rasim Kadić, s.r.

SEKRETAR
Vedran Hadžović, s.r.